

استدلال

هفته ده بر دفعه نشر اولور حقوق و سیاسیاتدن باحث


عالی، ادبی مجموعه در

نومرو ۱

۴ ایلول سنه ۱۳۲۴

سنه ۵۰ (نسخه اعتباریله در سعادت ایچون ۹۰ غروش
طشره ایچون آبروجه پوسته اجرتی ضم ایدیلور

نسخه سی ۲ غروش



استانبول

محل اداره سی

باب عالی جاده سنده ۵۲ نومرولو آ. آصادوریان مطبعه سی فوقنده کی دارة مخصوصه در

۱۳۲۴

حاکمیت ملت

صفت عقل و ادراک ایله متصف، حقوق و وظائفی مدرک، عقل و اختیار ایله هجما شداؤد طبیعتیه بر درجه یه قدر مقاوم اولان انسان؛ سائر حیوانات کی منفرد و مطلق العنان اوله رق یشامق ایچون خلق اولنماشدر. کرچه قوانین طبیعیه یه منقاد اولمق امرنده مخلوقات سائر ایله همحال کی کورینور لکن کندیسی حریت ایله مجبول و مألوف و عقل و ادراک، بیان مرام خواصیله موصوفدر. بونک ایچون انسان بر حیوان مدیدر و وجودی جمعیت ایله قائمدر یوقسه بعض فلاسفه نک دیدکاری کی بخی بشرک خلقتنده اجتماع اولان استعداد بتون بتون انکار ایدیله یز. بونلرک قولنجه جمعیت بشریه نک اجتماعه اظهار میل ایدیشی اولسه اولسه یکدیگرندن قورقورلیله خود برستلکلرندن نشأت ایلماشدر. یعنی حالتشقت و وحشتده توالی ایلان منازعات و مقاتلاتی آنجق حال صلح و اجتماعده آسایش و حسن آمیزشه قلب ایلهرک رفاه حال ایله امرار وقت ایلک ایچون اجتماعه بالآخره لزوم کورمشلدر. فقط بونلر دوشونمبورلرکه حق اجتماع ابوالبشر ایله برابر وجود بولمشدر. تاریخ؛ نوع بشری هر عصرده کندیسه کوره بر حکومتله، جمعیتله کوسترمشدر. بناء علیه اجتماع لازمه حیاتیه بشریه دندر و بالعموم ادیان و شرایع سالفه ده احکام اساسیه دندر بوندن ده مقصود الهی فرداً ضعفله متصف اولان انسانلرک بالاجتماع و بالاتحاد یکدیگریسک مکملی اولسی و سعادت حال عمومیه بی ترقی ایتدیره رک جناب حقت نصیب ایلدیکی قابلیت تزییده صرف غیبت ایلمسیدر. یوقسه انکلتزه حکما سندن هوبس ایله متأخریندن زان زاق روسونک دیدکاری کی انسانلر امید انتفاع ایله برلشماشلدر. اگر جناب حق انسانی قیرلرده حیوانات مثللو متفرق بر صورتده یشامق ایچون خلق بیورمش اولسه بدی عجبا عقل و نطقک، ادراک و تمیزک نه لزومی قالیردی؟ شارع حقیقی ایسه هیچ بر شیء لزومسز یراتماشدر. اوت انسان امنیت و حریت ایله مجتمعا یشامغه محتاجدر. زیرا جمعیتده فقیر اولانلرده

زنکینلر کبی حردر ، خلقهٔ ضعیف اولانلرده وجودی قوتلی اولانلر قدر حقوقه مالکدر ، عاجز اولانلر قوتلیره قارشو امیندر . اشته تکمیل شو خصائص اجتماع سایه‌سنده وجود بولمشد .

حق اجتماع بو صورتله تعین ایلدکدنصکره برازده اجتماعک نتایجندن بحث ایدم : انسانلر بوجله طویلاختجه بر (امت) حاصل اولمشد . بر لسان ایله تکلم ایدرلر . ایتسهلر بیله منفعت و افکارلرینک تأثیریه برلشدرک برقانون ایله یشارلر . دوشونجهلری بر اولور . شو صورتله آشکل ایلیان جمعیت بشریهده هر کسک آیری آیری حقوقی دوشونلمک صورتیه عامه‌نک منفعتی منافع شخصیه تقدم ایتدیریلور . دها طوغریسی فردک ضعفندن نوعک قدرتی حصوله کتوریلور . هیچ شبهه یوقدرکه جنابحقک بزی یکدیگرمزه محتاج اوله‌رق براتسی جمله‌مزنک بربرمزنه همدست وفاق اوله‌رق (تعاونوا) حکم جلیلنه اتباع ایلمککلکمز ایچوندر . یوقسه هرکس آمال شخصیه‌سی ، منافع خصوصیه‌سی ترویج ایلمک و کندیسنه ناخوش کلان آخرک حق صریحی ابطال ایچون صرف قدرت ایلمک یولنی طوتار ایسه جمعیت بشریه‌نک شیرازه انتظامی بوزیله‌رق آندن مطلوب اولان فائده یرینه بالطبع مضرت و بیک درلو اولغونسزلقلر تولدایلر . بونک ایچون مجتمعا یشامق مطلقا انتظامه و بونظام‌ده عکسی منع ایده‌جک برقوته محتاجدر . نظام‌سزه شکلسز ، ترتیبسز بر جسم . بر جمعیت تشکیل ایتمک ممکن دکدر . بو ترتیب و نظام ایسه انجق برقوة حاکمه و نظام‌یدن صدور ایده‌بیلرکه آنک رأس اداره‌سنده بولان ذات رئیسدر .

رئیس ؛ اول ارادهٔ کلیه‌درکه افرادک ارادهٔ جزئی‌سینه غلبه ایدر . و هرایکی اداره‌نی دایما استلافه سعی و غیرت ایلر . ریاست ؛ اصلاً و اساساً بالنفس جمعیتلرک هیئت عمومیه‌سنک حقیدر . حقوقشناسانک بعضیلری بوعالمده موجود برتفوق جلیلیه ذاهب اولدقلرندن شو حقی‌ده نوع بشرک بعض صنوف ممتازه‌سنک نجات واصل‌تنده مندمج کوریرلر . دیگر برقسمی ایسه ریاستی مطلق غایبته یعنی قوهٔ مادییه ویررلر . و (الحکم بان غلب) دیرلر . حالبوکه بویه‌جبر و قوته سرفروا ایتک

اختیاری دکل بلکه اضطراریدر دها طوغریبی احتیاضیدر . زیرا جبر و قوت قلملازسه ، مانع زائل اولورسه بالطبع ممنوع عودت ایلا و اطاعت و انقیاد زائل اولور . بر قسم حقوقشناسان ایسه ریاستک امتک اک عقلیسنه توجیهی تنسیب ایدر لسه ده شو عقلینک نه صورتله دیگر عقلسزلردن تفریق ایدیهلجهکنده سکوت ایلدکلرندن بوفکر لرینی ایلرویه کوتوره مامشدر . شو حالده ریاستک اک طوغری ، اک مشروع اصول وقاعده سی مشهودات تاریخیه و طبیعت بشریه به اک زیاده توافق ایدنیدر . جمعیت ، من عنداه مؤسس بولنمقله آنده بولنه حق قوه حاکمه دخی آنک بقاسنه خادم اولان خصوصات سائره کی وضع الهی ایله اولمق ایجاب ایلا . جناب حاکم مطلق ایسه شو ریاستی نه برکشی به ونه ده افراد کثیریه صورت مطلقه و مؤبدوده ویر مامشدر . هر بر ملتسه کنندی مشروع وحق اولان مقصدینی استحصال ضمننده کنندی کنندینی بالاستشاره اداره ایلمک حق موجوددر . بونکله برابر بر قوم ، بر امت نه قدر افراد قلیله دن مرکب اولورسه اولسون هپسک بردن اجرای حکم و ریاست و جمله سنک بردن استشاره ایلمسی محال اولدیفندن شو وظیفه لرینی بر طاقم وکیللره تودیع ایلملری لازمکلورکه اشته او وقت اوقوم کنندی درجه قوتنه ، اخلاقه ، احتیاجاتنه کوره تنسیب ایلدیکی و امنیت و سعادتنی حصوله کتیرمه که کافی کوردیکی شکلده بر اصول اداره احداث ایلمک استر فقط ملت کوردیکی شو لزوم ایله حق ریاستندن و ازچکش صایلملار . بلکه بو اویله بر امنیت و اعتماد اثری درکه امت ؛ وکیل ایلدیکی مبعوثان و کلایه هرکک رفاه و سعادتنه خدمت وظیفه سی تحمیل ایلمش و بونک عکسنه بر معامله نک کندیلرندن صدورینی کورنجه او وظیفه یی دوش تحمللرندن نزع حق و امکانتی کندوسنه آلیقه ویمشدر . معافیله بر ملت هر نه صورتله اولورسه اولسون کنندی حالته موافق بر اصول اداره اختیار و تطبیق ایلدیکی وقت آرتق آتی دائماً بر مرکزه منتظم صورتده سوق و اماله ایلمکه غیرت ایلملیدر . بوقسه اغراض شخصییه و منافع خصوصییه کوزده دیلهرک خصوصیله دها یکیکلک سوداسیله شکل حکومتی بسبتون تغییره یلتنورسه

اضمحلال باش کوستر . زیرا بو مسلمدرکہ تبدیل حکومت دائماً بنمای دولت
وملتی اساسندن صارصار . نتیجہ سی وخیم بحرانلرہ سبب ویرر . بوکون رغبت
عامہ یہ مظهر اولمش اولان شکل حکومت الحق حکومت مشروطہ در . سناہ
اولان شو صورت حکومتدہ ملت حائز اولدینی قوۃ اداره وقانونیہ یی ، ایچلرندن
اک معلوماتی و احتیاجات مملکتی اک زیادہ تقدیر ایلمش اولان ذواتہ وکالت
صریحہ ایلہ تودیع ایلر . بووکیلرملکت سعادتنی تأمین ایچون برر واسطہ در .
منسوب اولدقاری امتک اسباب سعادتنی ، احتیاجاتنی ، تمایلاتنی ، افکاروآمالنی
تقدیر ایدہرک خط حرکتی آکا کورہ تعیین ایلرلر بونلرک اجتماعیلہ حصولہ
کلان ہیئت حکومت اولیلہ بر وجود معنویدرکہ کافہ افعال و حرکتشدہ ملکت
حقوقہ رعایت ایتک آنلرک وجیہ ذمتیدر . حکومتک وظیفہ سی معیشت
اجتماعیہدہ امتک منافع معنویہ وتهذیبیہ سنہ یاردم ایلمکدر . ملکت کافہ افرادینی
بالذات مدنیت حاضرہ نک تملی اولان اخلاق وفضائلک قواعد عمومیہ سنہ رعایت
ایلمکہ مجبور قلمق آنک حق مشروعیدر . حکومت جسم ملکت شکل
خارجیسیدر واساس مشروع ومعقولی امتک حسن رضاسیدر . بناء علیہ آنک
مشروعیتی ملکت دوام قبولیلہ مشروط ایسده بوندهدہ افراط وتفریطدن حذر
ایلمک ایجاب ایلر ؛ تاکہ ہم دولت ہم ملتجہ شو حریت مفرطہ نک نتیجہ سی
اسارت اولسون .

مکتب ملکیتہ مأذونلرندن

۱ . احسان

قوای عمومیہ نک تفریق ، حقوق بشرک اعلانی

حاکمیت ملاتک تصدیق

اشته اوچ دستور مبجل حکمت کہ هر قانون اساسینک مبناسیدر : اقوام
متعدنہ نک سعادت اجتماعیلہ وقدرت سیاسیہ سی کافل اولان موضوعات قانونیہ سنک
استناد ایلدیکی اشبو اوچ قاعدۂ اصلیہ یی اول امرده موضوع مقال ایلمک اقتضا